

Útkomið í A-deild Stjórnartíðindanna 1947.

Bréf handhafa valds forseta Íslands, undirskrifað af handhöfum forseta-valdsins 24. maí 1947, nr. 97.

Auglýsing um að forseti Íslands sé kominn heim og hafi aftur tekið við stjórnarstörfum, undirskrifuð af forsætisráðherra 14. júní 1947, nr. 98.

Auglýsing um viðskiptasamkomulag milli Íslands og Svíþjóðar, undirskrifuð af utanríkisráðherra 26. júní 1947, nr. 99.

Auglýsing um afnám vegabréfsáritana til Íslands og Frakklands, undirskrifuð af utanríkisráðherra 28. júní 1947, nr. 100.

Auglýsing um samkomulag milli Íslands og Bretlands um afnám vegabréfsáritana, undirskrifuð af utanríkisráðherra sama dag, nr. 101.

Bráðabirgðalög um breyting á lögum nr. 116 7. nóv. 1941, um útgáfu krónuseðla, undirskrifuð af forsetanum 8. júlí 1947, nr. 102.

Bráðabirgðalög um viðauka við lög nr. 67 1947, um eignakönnun, undirskrifuð af forsetanum sama dag, nr. 103.

Bráðabirgðalög um breyting á lögum nr. 94 5. júní 1947, um framleiðsluráð landbúnaðarins, verðskráningu, verðmiðlun og sölu á landbúnaðarafurðum, undirskrifuð af forsetanum 30. júlí 1947, nr. 104.

JARÐRÆKTARSAMÞYKKT

70

19. febr.

fyrir Ræktunarsamband Vestur-Dalasýslu.

Ræktunarsamband Vestur-Dalasýslu gerir á grundvelli laga nr. 7 12. jan. 1945, svofellda ræktunarsamþykkt:

I. KAFLI

Takmörk samþykktarsvæðis og markmið.

1. gr.

Ræktunarsambandið nær yfir eftirgreind hreppabúnaðarfélög: Búnaðarfélag Hvammshrepps, Búnaðarfélag Fellsstrandarhrepps, Búnaðarfélag Klofningshrepps, Búnaðarfélag Skarðshrepps og Búnaðarfélag Saurbæjarhrepps.

2. gr.

Ræktunarsambandið tekur að sér á þann hátt, sem fyrir er mælt í samþykkt þessari, eftirgreind verkefni á öllum jörðum samþykktarsvæðisins, að undanskildum þeim, er falla undir ákvæði VI. kafla jarðræktarlaga nr. 54 4. júlí 1942, um húferlaflutning.

1. Að ræsa fram land til túnræktar, garðræktar, beitiræktar og engjaræktar. Tekur framkvæmd verksins til fullnaðarframræslu á landinu og opnum skurðum, svo og lokræsum, þar sem þess er þörf, eins og fyrir verður mælt af trúnaðarmanni, er Búnaðarfélag Íslands samþykkir til að hafa á hendi undirbúning um, hvernig verkið skuli framkvæmt
2. Að framkvæma jarðvinnslu á tünnum jarða á samþykktarsvæðinu, sem ekki eru véltæk. Nær það til plægingar, herfingar og jöfnunar landsins. Hverjar

70
19. febr.

vinnuaðferðir verða hafðar á hverjum stað, fer eftir fyrirsögn trúnaðarmanns Búnaðarsambands Dala og Snæfellsness.

3. Að taka að sér jarðvinnslu til nýræktar túna og garða. Nær það til fullnaðarvinnslu landsins á sama hátt og gert er ráð fyrir í síðustu málsgrein undir lið 2.
4. Að framkvæma sléttun engja, svo að þær verði véltækar, hvort heldur það er gert með völtun, vinnslu lands, flóðgarðahleðslu eða öðrum aðferðum eftir fyrirsögn trúnaðarmanns Búnaðarfélags Íslands.

II. KAFLI

Skipun og verksvið framkvæmdastjórnar.

3. gr.

Ræktunarsambandið velur sér 5 manna framkvæmdastjórn, skal hún kjörin á aðalfundi ræktunarsambandsins til þriggja ára. Stjórnarnefndarmenn má endurkjósa, en þeir eru ekki skyldir að taka við endurkosningu. Á aðalfundi hreppabúnaðarfélaga skal kjósa einn fulltrúa fyrir hvert félag með innan við 25 félagsmenn, og fyrir brot úr 25, enn fremur varamenn.

4. gr.

Stjórnin skiptir með sér verkum. Formaður boðar til allra funda og stýrir þeim. Ritari sér um bókun fundargerða. Féhirðir hefur á hendi reikningshald fyrir allar þær framkvæmdir, sem gerðar eru á grundvelli samþykktarinnar, annast allar innheimtur og greiðslur eftir ávísun formanns.

5. gr.

Stjórn ræktunarsambandsins annast útvegum á nauðsynlegum vélum og verkfærum til skurða og lokræsagerðar, svo og jarðvinnsluvélum, eftir ákvörðun aðalfundar, en skylt er henni, samkvæmt 8 gr. laga um jarðræktar- og húsagerðarsamþykktir í sveitum, að hafa samráð við verkfæranefnd ríkisins um kaup og val vélanna.

6. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða. Henni ber að hafa þau tryggð fyrir þeirri fjárhæð, er svarar til verðgildis þessara eigna, eins og þær eru á hverjum tíma.

7. gr.

Stjórnin annast um allan rekstur vélanna og sér um á hverjum tíma, að verkefni séu tekin í þeirri röð, sem aðalfundur hefur ákveðið.

8. gr.

Stjórnin ræður starfsmenn og ákveður launakjör þeirra. Heimilt er stjórninni, með samþykki aðalfundar, að ráða framkvæmdastjóra til eins árs eða skemmri tíma, getur hún með erindisbréfi falið honum framkvæmdastjórn um daglegan rekstur og umsjón með verkstjórn vinnuflokka.

9. gr.

Allar ályktanir aðalfundar eru bindandi fyrir hreppabúnaðarfélagin, er að samþykkt þessari standa. Skylt er ræktunarsambandi að tilkynna hreppabúnaðarfélagum, ef um stórmál er að ræða, með þeim fyrirvara, að þeim gefist kostur á að kynna sér þau fyrir aðalfund ræktunarsambandsins.

Stjórn og framkvæmdastjóri bera ábyrgð gerða sinna fyrir aðalfundi ræktunarsambandsins.

III. KAFLI

Um tilhögun framkvæmda.

70

19. febr.

10. gr.

Skýlt er stjórnnum hreppabúnaðarfélaganna, hverri á sínu svæði, fyrir janúarlok ár hvert að skrá verkbeiðnir félagsmanna Skal þar tilgreina hverjar jarðabætur óskað er að unnar séu á því ári, svo og verkmagn þeirra. Skýrslum þessum ber að skila til ræktunarsambandsstjórnar eigi síðar en fyrsta febrúar ár hvert, skýrslunni fylgi frá búnaðarfélögum greiðsluskuldbinding hvers fyrir sig fyrir þau verk, er hjá því verða unnin á því starfsári.

11. gr.

Að fengnum þeim skýrslum, er um ræðir í 10. gr., ber stjórn ræktunarsambandsins að semja starfs- og rekstursáætlun fyrir yfirstandandi ár, ber að leggja hana fyrir aðalfund ræktunarsambandsins til samþykktar. Framkvæmdastjórn er skýlt að framfylgja samþykkttri starfsáætlun eftir því, sem við verður komið.

12. gr.

Við undirbúning framkvæmdaáætlunarinnar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu eftir því sem við verður komið, án þess að valda óhæfilegum aukakostnaði í flutningi véla og verkfæra;
2. að túnasléttun að öðru jöfnu sé látin sitja fyrir öðrum ræktunarframkvæmdum;
3. að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarsambands Dala og Snæfellsness;
4. að framræsla bithaga komi því aðeins að jafnaði til greina, að fullnægt hafi verið framræslu verkefnum vegna túna, garða og engjaræktar á þann hátt, að það tefji eigi jarðvinnsluna, svo að því marki verði náð, að allur heyskapur verði tekinn af vélfæru landi.

IV. KAFLI

Um verðlagsákvarðanir og greiðslu kostnaðar.

13. gr.

Kostnaður við framkvæmdir, er í samþykkt þessari getur, greiðist af verkkaupanda um leið og vinnu er lokið, eftir þeim verktaxta, er aðalfundur hefur samþykkt. Heimilt er stjórn ræktunarsambandsins að láta greiðslu fara fram eftir áætluðum verðtöxtum ár hvert meðan verkið stendur yfir, en fullnaðarreikningskil séu byggð á tilkostnaðarverði eins og það verður samkvæmt rekstursreikningi ár hvert. Áætlaðir verktaxtar séu miðaðir við tímaeiningu.

14. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutning þeirra milli vinnustaða, viðhald véla, er stafar af eðlilegu sliti þeirra, vaxtagreiðslur, kostnaður við verkstjórn og stjórnarkostnaður. Heimilt er ræktunarsambandsstjórn að ákveða og leggja á framkvæmdakostnað riflega áhættubóknun. Enn fremur kostnað við ræktunarfélagsfundi, og skulu fundirnir haldnir til skiptis í hreppabúnaðarfélagunum.

70

19. febr.

Aðalfundur ræktunarsambnadsins getur heimilað framkvæmdastjórn að taka ákveðin verk, sem tilgreind eru í 2. gr. þessarar samþykktar í ákvæðisvinnu, enda sé lögð fyrir aðalfund kostnaðaráætlun og verklýsing af því, sem vinna á.

15. gr.

Heimilt er framkvæmdastjórn á þeim tímum, sem ekki er unnt að vinna að skurðgrefti, lokræsagerð eða jarðvinnslu fyrir samþykktaraðila, að taka að sér verkefni fyrir búendur, hreppafélög eða aðra aðila á samþykktarsvæðinu, þó að þau falli ekki undir ákvæði 2. gr., ef tryggt er, að það sé hagkvæmt fyrir ræktunarsambandið, enda sé og tryggt, að vélakostur sé ekki festur við þessi störf, svo að það brjóti í bága við hagsmunum samþykktaraðila.

16. gr.

Rekstursafgangur af áhættuþóknun, svo og ef ágóði verður af ákvæðisvinnu eða þeim verkum, er um getur í 16. gr., skal leggjast í stofnsjóð ræktunarsambandsins og varið samkvæmt ákvæðum þeim, er um hann gilda, sbr. 18. gr.

V. KAFLI

Fjáröflun og tryggingar.

17. gr.

Ræktunarsambandið myndar stofnsjóð til vélakaupa. Stofnfjárhæð hans er kr. 135000.00.

Stofnfé stofnsjóðs er:

1. Óafturkræft framlag hreppabúnaðarfélaganna kr. 375.00 af hverju býli innan ræktunarsambandssvæðisins, samtals kr. 35625.00.
2. Sameiginlegt stofnfjárlán að upphæð kr. 32000.00, sem tryggt sé með sameiginlegri ábyrgð ræktunarsambandsins.
3. Óafturkræf frjáls framlög frá einstaklingum eða öðrum aðilum.
4. Helmingur stofnfjár er framlag framkvæmdasjóðs ríkisins, samkvæmt ákvæðum 9. gr. laga nr. 7 12. jan. 1945, um jarðræktar- og húsagerðarsamþykktir í sveitum. Leggst það í stofnsjóð jafnóðum og það greiðist úr framkvæmdasjóði ríkisins.

Auk þessa fjár leggist í stofnsjóð árlega:

1. Tekjur þær, sem inn koma samkvæmt ákvæðum 17. gr.
2. Þeir aðilar sambandssvæðisins, sem ekki leggja fé í stofnsjóð, greiða hærra vinnugjald, sem nemur 15% og rennur það fé í sjóð hlutaðeigandi búnaðarfélags.

18. gr.

Stofnfjárframlag hreppabúnaðarfélaganna greiðist inn til ræktunarsambandsstjórnar, þá er samþykkt þessi hefur öðlzt gildi.

19. gr.

Komi í ljós síðar, að álitu framkvæmdastjórnar, að auka þurfi stofnsjóð, ber henni að gera rökstuddar tillögur um stofnun fjáráukningar til hreppabúnaðarfélaganna. Ef meiri hluti löglega kjörinna fulltrúa á aðalfundi ræktunarsambandsins ákveða stofnfjáráukninguna, er hún bindandi fyrir hreppabúnaðarfélagin.

VI. KAFLI

Reikningshald og endurskoðun.

21. gr.

Reikningsár félagsins er almanaksárið og skal reikningsskilum lokið svo tímanlega, að endurskoðun geti farið fram, áður en aðalfundur ræktunarsambandsins er haldinn, en hann skal haldinn fyrir aprílmánaðarlok ár hvert. Skulu endurskoðendur sannprófa, að reikningum beri saman við bækur framkvæmdastjórnar.

22. gr.

Endurskoðendur séu tveir, kjörnir á aðalfundi ræktunarsambandsins, til eins árs í senn. Þeir skulu kynna sér reksturinn sem bezt og hafa eftirlit með starfrækslu framkvæmdastjórnar í hvívetna.

23. gr.

Endurskoðaðir reikningar skulu lagðir fram til samþykktar á aðalfundi ræktunarsambandsins. Þar gefur framkvæmdastjórn skýrslu um starfsemina, svo og endurskoðendur, ef tilefni er til þess.

VII. KAFLI

Um breytingar samþykktar og hvernig samþykkt verði úr gildi felld.

24. gr.

Tillögur, er fram koma til breytinga á samþykkt þessari, frá hreppabúnaðarfélögum eða framkvæmdastjórn, skulu sendar til allra aðila, er að samþykkt þessari standa, samkvæmt 1. gr., til umsagnar. Þær skulu síðan, ásamt umsögnum búnaðarfélaganna, lagðar fyrir aðalfund ræktunarsambandsins. Samþykki löglegur aðalfundur breytingar, með að minnsta kosti $\frac{3}{5}$ atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

25. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir, um að tilgangi samþykktar verði ekki náð og lögmætur aðalfundur ræktunarsambandsins samþykki það með minnsta kosti $\frac{3}{5}$ atkvæðisbærra fundarmanna, enda komi samþykki landbúnaðarráðherra til.

26. gr.

Með brot á samþykkt þessari skal farið sem almenn lögreglumál.

27. gr.

Samþykkt þessi gengur í gildi, þegar hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1946, staðfestist hér með til að öðlast gildi þegar í stað og birtist til eftirbreytni öllum þeim, er hlut eiga að máli.

Landbúnaðarráðuneytið, 19. febrúar 1947.

Bjarni Ásgeirsson.

Árni G. Eylands.